




# 臭味相投



## 劇作者：關倩儀小姐

製作人員表		
崗位	姓名	身份
監製	鍾碧虹、陶鳳珊	老師
導演	鍾碧虹、陶鳳珊、薛翠怡	老師、老師、學生
劇本作者/ 改編者	關倩儀	校外導師
舞台監督	鍾碧虹、陶鳳珊	老師
執行舞台監督	鍾碧虹、陶鳳珊	老師
助理舞台監督	周文軒	老師
佈景	鍾碧虹、陶鳳珊	老師
燈光	鍾碧虹、陶鳳珊	老師
音響	鍾碧虹、陶鳳珊	老師
道具	鍾碧虹、陶鳳珊	老師
服裝	鍾碧虹、陶鳳珊	老師
化妝	鍾碧虹、陶鳳珊	老師



## 角色表

角色	性格特質	學生表演員
1 波波：	小學五年級學生，為人樂天好動，與瑤瑤是好朋友，人緣本來極佳；後因成長的生理問題而引來同學耻笑及杯葛，但仍沒有因此而自卑	薛翠怡
2 小波波：	小學一年級學生，樂於助人，凡遇到不開心的事便會獨自跑步	朱凱晴
3 瑤瑤：	小學五年級學生，為人怕事，無甚主見，常忘這、忘那，與波波池本為好朋友，後因怕被人杯葛而不敢與波波做朋友	張樂瑤
4 小瑤瑤：	小學一年級學生，經常遺失物品，膽小如鼠	盧穎詩
5Bingo：	小學五年級學生，好認叻，愛整潔，視波波為他的競爭對手	高浩鏘
6&7 叮叮、 噹噹：	二人常與 Bingo 一起，十分信任及崇拜他	叮叮：馮佩瑩 噹噹：曾昭倫
8 小吱喳：	小學三年級學生，事事關心	莫逸桐
9 田：	小學五年級學生，田徑好手，只愛跑步，對周遭發生的事也不大關心	李嘉儀
10&11 大 寶、小寶：	小學四年級及三年級學生兄弟/姊妹，同聲同氣	大寶：葉茜瑜 小寶：鍾卓翹
12 細蚊：	小學同學，牙尖咀利	陳卓盈
13 校工	學校工友，為人友善	周文軒



## 分場

### 第一場

小息時候，瑤瑤因為遺失了書本，擔心給老師責罵，於是躲在學校一角；小波波見狀便上前安慰他，並承諾如老師責罰會與他一同面對，又教他以跑步減壓，二人因而成為好友。

### 第二場

學校要選出三名運動員參與校際田徑接力比賽，最後由田、瑤瑤和波波勝出，此時 Triangle 發現一陣異味從波波身上發出，於是挑撥眾人不與他做朋友，以免沾上臭氣

瑤瑤因害怕給其同學排擠，每次練跑後都匆忙離去，波波為此而感到悶悶不樂。

### 第三場

比賽終於結束，波波、瑤瑤及田獲得亞軍獎牌，Bingo 不小心把瑤瑤的獎牌掉了在廚餘桶，Bingo 不願幫瑤瑤從廚餘桶中找回獎牌，打算一走了事，田拼命追趕，而波波卻自告奮勇為瑤瑤拾回獎牌及清洗乾淨，眾人為波波的不記恨而深感愧疚，於是決定為波波解決身體異味問題，大家再度成為好友。



## 第一場

- 午飯時間，同學們飯後執拾離開，把殘餘食物放於廚餘桶內
- 小瑤瑤坐在台邊
- 小波波入

小波波                    瑤瑤，你仲咩一個人係度，就來要返課室喇

小瑤瑤                    我唔見左本功課簿，今次實比 Miss 鬧

小波波                    會唔會漏左係屋企，不如打返屋企問下

小瑤瑤                    問過喇，無呀，班主任課時我仲見到係書包度，點知上完音樂  
堂就唔見左

小波波                    不如我同你去音樂室搵下

小瑤瑤                    都搵過喇

小波波                    一陣我幫你同 Miss 講，Miss 咁好人，你唔會有事既，最多如  
果真係要罰，就話係我整唔見既，等 Miss 罰我、唔罰你


小瑤瑤                    你真係好

小波波                    我地係朋友來架嗎，唔好唔開心，不如我地跑步

小瑤瑤                    跑步？

小波波                    係呀，我只要跑步好快就會咩唔開心都唔記得晒。來啦，準備，  
1,2,3

- 二人跑去
- 燈轉



## 第二場

- 二人長大
- 瑤瑤和波波跑入
- 校門外

瑤瑤                    好野，贏左

波波                    無氣喇

- 另外仔寶也跑到

仔寶                    瑤瑤、波波，真係唔夠你地跑

瑤瑤、波波            洗咩講!

瑤瑤                    好口渴

波波                    我有水，比你

瑤瑤                    (接過水樽) 得返好少，我飲左你咪無咯

波波                    唔緊要啦，我地係朋友來吖嗎

大寶                    爸爸，話友情係好脆弱，好難有真正既朋友

小寶                    但係媽媽話最好既朋友都係細個既時候識架

大寶                    你講咩吖

瑤瑤                    我記得一年級既時候有次唔見功課.....

大寶                    波波幫你同 MISS 求情吖嗎

仔寶                    聽過啦

瑤瑤                    果次我唔單止無比 MISS 鬧，MISS 仲讚我敢於認錯，所以我同波波既友情係一定唔會變

波波                    我都唔會變，因為瑤瑤成日陪我跑步，我先愈跑愈快。



小寶                    大寶，我同你都唔會變

大寶                    小寶，我同你係姊妹，呢 D 係親情，唔係友情

➤ 細蚊經過

細蚊                    大寶，你今日唔係要站崗咩？

大寶                    敝，我入去先

小寶                    我又去

➤ 三人離開

波波                    瑤瑤，我一陣放左學想去圖書館，唔同你一齊走

瑤瑤                    我等你

波波                    你都唔鐘意睇書

瑤瑤                    我係球場練一陣跑，等埋你一齊走

波波                    好呀

小吱喳 V.O.            好消息、好消息

瑤瑤                    一定係小吱喳

瑤瑤、波波            人未到、聲先到

➤ 小吱喳入

小吱喳                    好消息、好消息

瑤瑤、波波            咩好消息呀

小吱喳                    學校會有校際田徑選拔賽，贏左可以代表學校參加校際接力賽

波波                    正，(向瑤瑤)我地一齊參加咯



瑤瑤                    好呀

➤ **Bingo** 和 叮噹入

**Bingo**                    有咩玩，我又玩

小吱喳                    波波、瑤瑤參加校際田徑選拔賽，你地參唔參加

叮噹                        **Triangle** 參加，我地咪參加

波波                        多 d 人好玩 d，最多我讓你地起跑先

**Bingo**                    懶叻。駛咩你讓，我一定可以入圍

小吱喳                    學校會選三個做代表，

噹噹                        **Bingo** 文武雙全，要入圍一定無問題

瑤瑤                        我地係

瑤瑤和波波                田徑雙雌，一定贏

叮噹                        痴線既痴呀 (笑)

瑤瑤、波波                喂

**Bingo**                    唔好唔記得仲有阿田，跑得贏佢先算

波波                        我係未必跑得贏呀田，不過一定跑得贏你


**Bingo**                    睇下點! 你夠唔夠膽同我鬥快跑到校門口

波波                        鬥咪鬥，洗怕你呀

**Bingo**                    叮叮，幫我擺住個書包

➤ **Bingo** 放下書包

波波                        好奸





瑤瑤

波波，比個書包我

- **Triangle** 一支箭似的跑去
- 波波也邊跑邊除下書包
- 其他人努力打氣
- 燈暗



### 第三場

V.O. ON YOUR MARK, SET, GO

- 燈亮
- 瑤瑤、波波、田拿著飯盒入，其他同學已在午膳中
- 校園內

瑤瑤 波波，好野，我地入圍呀

波波 都係阿田勁 D，真係跑唔贏你

細蚊 你地好叻呀

田 我無野叻，淨係跑步跑得快

Bingo 淨係跑步叻有咩用

叮噹 係呀

細蚊 輸左唔抵得呀

Bingo 我先唔 ... (突然聞到一陣異味)，你地聞唔聞到

細蚊 聞唔聞到 d 咩

Bingo 有 d 怪味

小寶 係味個廚餘桶呀

大寶 個廚餘桶有蓋蓋住，不黴都無異味

Bingo 叮叮噹噹，你地聞唔聞到

叮噹 唔講唔覺，講開又真係好似有 d 怪味喎

田 你講咩佢地都話係架啦

Bingo 咩味來架



➤ 小吱喳四處搜查，走到波波身邊

細蚊 (指向波波) 咦，你好臭呀

波波 邊有味呀，(向田及瑤瑤)你地話喇

田 我鼻塞，咩都聞唔到

瑤瑤 (很細聲地回應)我都聞到

Bingo 好臭呀，叮叮噹噹，唔好同佢玩，我地走

> 三人準備離開

Bingo (回頭) 你地因住，近得佢多，整臭埋你地呀

細蚊、小吱喳 等埋

➤ 眾人離去

波波 (學著 Bingo) 因住整臭埋你呀


瑤瑤 哎吔，我好驚訝

波波 好，我一於 住你

> 二人追逐

校工 食完飯，唔好跑呀

➤ 燈轉



## 第四場

- > 校園內
- 波波和瑤瑤練跑完畢
- 大寶二寶經過，其中一人跌了物品，波波嘗試叫住他們，他們卻愈叫愈走

波波 愈叫愈走，咁奇怪既，唯有聽日比返佢地啦

瑤瑤 我一陣見到佢地呀，你比我吖

波波 一陣？

瑤瑤 (尷尬)講錯...係聽日

波波 唔洗啦，大家都係聽日先見到啫

瑤瑤 ...又係啲

波波 一齊走

瑤瑤 (面有難色) 唔好喇，我想跑多陣先

波波 我陪你

瑤瑤 唔洗喇

波波 你就生日啲，今年會唔會攞生日會

瑤瑤 (支吾以對)未知...睇下點先

- 細蚊入，但沒有走近

細蚊 瑤瑤，你仲係度呀，咩唔係...

瑤瑤 (向細蚊) 知喇，(向波波) 呀，我要比返 D 野細蚊，唔同你講住，走先

- 瑤瑤箭似的離去

波波 瑤瑤



➤ 田入

田 瑤瑤呢

波波 走左喇

田 又會走得咁快

波波 唔知係咪我有野激嬲左佢呢，我已經好耐無同佢一齊返學、一齊放學喇

田 你唔係有野激嬲左佢，係佢驚比人笑啫

波波 你講咩呀

田 班同學話你身體有陣味，近得你多會傳染，又話同你一齊既都係「臭味相投」，唔會同佢玩，我諗佢係驚比人見到你同佢一齊，所以咪避開你咯

波波 咩我真係咁臭呀

田 你知我個鼻不嬲都好遲鈍架啦，我真係聞唔到喎

波波 咁你唔怕人笑你，唔同你玩咩

田 我既目標係做一個出色既田徑選手，只要有人同我一齊跑，其他野我先唔會理，走喇

波波 你走先，我突然間好想跑步

➤ 田離去

➤ 波波一人在跑

➤ 此時 Bingo 和叮噹經過

Bingo 咦，田徑雙雌點解得返你一個既

波波 關你咩事

Bingo 叮叮噹噹，你地聞唔聞到一陣臭坑渠味



叮噹 聞到、聞到呀，簡直臭到想嘔呀

Bingo 唔怪得連佢朋友都避開佢啦

波波 你講咩

叮叮 唔好同佢講咁多啦

噹噹 我地仲要去瑤瑤既生日會

Bingo (向波波) 咩佢無請你呀? 係喎, (向叮噹) 你地話佢知點解

叮噹 因為其他同學話如果你(波波)去既, 就個個都唔會去。

Bingo 連你朋友都嫌你臭呀, 我地走。

- 二人離去, 剩下波波一人
- 校工拿著一本書返回

校工 波波, 你未走就好, 本書係瑤瑤留低, 你同佢一班, 你比返佢

波波 本書係圖書館架喎, 佢都唔去圖書館既, 會唔會攞錯

校工 小息既時候我見瑤瑤邊行邊睇, 拎住本書去小食部, 後來打鐘, 瑤瑤趕住上堂就漏低左本書, 無錯架喇, 一定係佢既, 佢成日唔係漏呢樣就漏果樣架啦。你比返佢, 再唔係幫佢還左佢喇。好晏喇, 快 D 返屋企啦。

- 校工再次離去
- 波波打開了書來看



## 第四場

V.O. 校際接力賽亞軍係...

- 小吱喳、Triangle、叮噹、瑤瑤在吃午膳
- 校工經過，見廚餘桶打開了

校工 你地一陣用完記得蓋返蓋

- 大寶、小寶、細蚊食完，把剩餘放入廚餘桶內，之後執拾離去

小吱喳 瑤瑤，勁呀，校際接力賽亞軍，等我幫你大事宣揚開去

叮噹 你事無大小都鐘意「大事宣揚開去」架啦

Bingo 接力比賽贏左係得一隻杯、定係每人都有一個獎牌

瑤瑤 學校會有一個獎杯，我地每人都有一個銀牌

Bingo 借個獎牌來睇下

瑤瑤 嗯...

Bingo 借來睇下、咪咁孤寒

叮噹 我又睇，我又睇

- 瑤瑤無奈拿了獎牌出來

小吱喳 你就好啦，唔好話金牌、銀牌，我咁大個連銅牌都未擺過


Bingo 嘩，又唔係真既，我 daddy 話 d 銀噴上去既之嘛

瑤瑤 擺返來

Bingo 唔信，叮叮有無一蚊，我括比你地睇

- 叮叮拿出一蚊給 Bingo

瑤瑤 擺返來



Bingo 真銀不怕熊爐火，試下之嗎

瑤瑤 比返我呀

➤ 二人糾纏間，Bingo 不小心把獎牌跌在廚餘桶內

瑤瑤 係咪衰，跌左落去

Bingo 玩下之嗎，最多幫你執返，有無人有 tissue 呀

噹噹 我有

➤ Bingo 拿過紙巾嘗試拾回獎牌，但由於怕污穢，不小心把獎牌推進廚餘的深層

小吱喳 哦，你死喇，跌左入去 d 廚餘裡面，要伸隻手入去攞

叮噹 個桶咁深，伸隻手入去都未必攞到啦

瑤瑤 我唔理，(向 Bingo)你地要爬落去幫我搵

Bingo 咁污糟

小吱喳 係你整唔見人地 d 野吖嗎

Bingo 叮叮噹噹你地幫我執

叮噹 咁污糟，點執呀

瑤瑤 我唔理你地，快 d 幫我執返

Bingo 咁污糟，打死我都唔執架喇

➤ Bingo 逃去

➤ 田與波波入

瑤瑤 喂

田 咩事





小吱喳          Bingo 跌左瑤瑤個獎牌係廚餘桶裡面，唔肯幫佢執返

田                (向瑤瑤) 我幫你追佢返來

➤ 田離去

波波            跌左係邊

小吱喳          (指示著) 本來係呢度，後來沉左落去

➤ 波波找了一把湯 嘗試打撈

➤ 田把 Bingo 捉回

波波            搵唔到，可能跌到好底

田                Bingo，你落去幫瑤瑤執返

Bingo          唔制

噹噹            (向其他人)你地放過 Bingo 啦，佢無心架

瑤瑤            (十分不願) 係我第一個...

➤ 波波爬入廚餘桶內

➤ 眾十分驚訝

眾                波波

瑤瑤            波波，小心，算啦，唔好執，我唔要喇


➤ 波波努力找尋

波波            我搵到喇

瑤瑤            波波，唔該晒你，你出返來先

➤ 瑤瑤想扶波波

波波            我又臭又污漕，唔好埋來，我自己出來得架喇



➤ 波波嘗試出來，但不成功

瑤瑤 我唔怕

➤ 瑤瑤把手給波波

眾 我地都唔怕

Bingo 不如等我扶你吖，波波，唔該晒你呀

小吱喳 淨係唔該？仲有呢

Bingo 對唔住呀

波波 唔緊要啦，我地係

眾 朋友來吖嘛

➤ 燈光轉

➤ 音樂出

瑤瑤 V.O. 波波，你真係好，唔黐我，仲幫佢執返個獎牌

波波 V.O. 你都好好，專登去圖書館幫我搵點解身體會有臭味，同解決方法。

瑤瑤 V.O. 你又知

波波 V.O. 咦，你又唔係第一次攞獎，點解你咁緊張個獎牌？

瑤瑤 V.O. 因為呢個但係我係第一次同你一齊合作攞既獎吖嗎。

➤ 聲漸細

波波 V.O. 不如我地鬥快跑去果邊

瑤瑤 V.O. 好呀

➤ 燈暗

